



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tribunal Poenitentiæ Sev Libri Dvo Prior De Poenitente Ut  
Reo Posterior De Confessario Ut Judice**

**Stoz, Matthäus**

**Anno M.DC.LXXXIX.**

Art. III. De prudentia Confessarii.

**urn:nbn:de:hbz:466:1-37144**

*ART. III. De Prudentia Confessarii.*

alieno consilio poterit supplere , dummodo ad manum habeat libros aut viros doctos, quos consulat. Quia vero nemo alium consulit, nisi dubiter, & nemo dubitat, nisi aliqua ratio difficultatis appareat; tantum saltem doctrinæ habeat oportet, ut difficultatem cernere , & orto dubio ad alios consulendos impelli queat : quod fit, si saltem aliquid audierit, vel legerit, et si distincte non recordetur, quid dicendum.

16. Ceterum iis , qui operam audiendi confessionibus dabunt, solatio potest esse illud, quod Elamas in Merib. 1.p. c.7. §. 4. tradit , eum ad hoc munus latius doctum esse, qui integrum summam casuum saltem unius Doctoris Catholici vel in scholis audierit, vel accurate & diligenter legerit, vel subinde repetiverit: quia in talibus summis , quantum fieri potest, omnes materiae casistica tractari solent. Nec adeo requiritur summa scientia; nam scholastici nimis subtiliter omnia rimantur, ubique dubitant, & objectiones movent, nec acquiescant nisi in evidentiibus, cuiusmodi in re morali vix haberi possunt: unde sunt perplexi & hæsitabundi , & se aliosque implicant. Unde fit, ut mediocriter docti , sed libera mente & sereno iudicio prædicti , plerumque hoc munus melius & fructuofius obeant, quam doctissimi quique: non enim oportet in hoc iudicio nimis subtiliter excutere, sed crasso modo, ut ait Victoria in *summa* n.120. Inspiciatur praxis Ecclesiæ, quales explicantur Confessarii; certè non omnes doctissimi. Num ideo damnabimus omnes Prælatos Ecclesiæ, quod tales Confessarios constituant. Intueamur etiam bonitatem & clementiam Christi, quia non vo-

luit instituere carnificinam animarum, ut ait Trident. Sess.14.c.5. & cum præsciret, quotidianam fore hujus Sacramenti necessitatem & usum , paucos vero eximiē doctos repertum iri, utique tam exactam doctrinam non exigit: si qui errores committantur, per invincibilem ignorantiam bona fides excusat.

17. Si quis de seipso dubiter, an sufficierit sit doctus pro audiendis confessiōnibus, acquiescat iudicio Episcopi, vel alterius Superioris; in dubio enim standum esse iudicio Superioris, communiter docent: quod tamen cum grano salis accipiendum est; si Superior sit doctus & prudens, ut advertit Tann. D.6. q.9. d.5. n.96. indocti enim & imprudentis Superioris arbitrio non tutò fidit, cùm non sit eorum officium de doctrina iudicium ferre, quatenus præcisè Superioris sunt, sed quatenus viri docti , prudentes & boni. Experimento enim constat, Superioris quosdam in deputandis Confessariis graviter errare, dum homines prorsus ineptos exponunt. Sed si necessitas exigit, præstat, qualemcumque, quām nullum, pastorem populo præficere. In tanta tamen Religiosorum copia omne periculum, quod ab indoctis pastoribus oriri potest, videtur facile caveri posse. Pro articulo vero mortis quilibet satis doctus est, modò essentialia Sacramentorum, quæ in illo articulo ministrari solent, ac debent, nōrit.

*ARTICULUS III.*

*De Prudentia Confessarii.*

18. Doctrinæ accedere debet Prudentia, ne quis doctrinæ abutatur , ut sape con-

6  
contingit: siquidem scientia tradit tantum generalia præcepta, varie variis applicanda, pro diversitate circumstantiarum, quas Prudentia considerat: quod enim absoluē per se bonum est, mutatis circumstantiis redditur malum, vel contra. Si verò in ulla re Prudentiā opus est, tunc maximè opus est, cum confessiones audiendæ sunt: est enim, ut S. Gregorius in pastorali ait, ars artium regimen animalium. Constituta autem Prudentia, quod ad præsentem materiam, in sequentibus ferre punctis.

19. I. Ut interroget de peccatis, non de fabulis aut aliis mundanis: qui enim ad peccata Sacerdoti aperienda & expianda venit, non est super iis, quæ ad ea non pertinent, aut in alterius infamiam culpabili detractione cedunt, interrogandus. *Navar.* in Cap. 1. de pœnit. dist. 6. §. *Diligens.* n. 2. *Henriq.* l. 6. c. 17. n. 6. ubi notandi sunt illi, qui cum filiis confessionum, quolibet octiduo vel sepiùs suam expiantibus conscientiam, longissimum consumunt tempus: non enim id videtur fieri posse, quin multa miscentur, quæ ad sacram Pœnitentiae Tribunal non pertinent: extra illud hæc tractentur, & sàpe non dabitur causa variorum de ejusmodi confessiōnibus sermonum.

20. II. Ut non interroget, nisi de consuetis peccatis, & quæ communiter sunt nota: querere enim de inconsuetis, & enormibus, nisi generatim, & à longinquo, & per circumlocutionem, nocet confitenti: quia sàpe discit mala, quæ nescit. *Navar.* n. 3. Et ideo ad ea non descendat, quibus vel talis ætas vel status non solet esse obnoxius; vel quorum ipsi met pœnitentes aliquod indicium non

præbuerunt, v. g. si dixerint, se turpibus cogitationibus fuisse deleclatos, jure quæri potest, an non etiam turpia miscuerint colloquia; & si miscuerint, an non etiam talia fecerint, aut facere concupiverint: quidam enim verecundi sponte ista non produnt, officio suo se satisfacere rati, si occasionem interrogandi præbeant. Sic etiam viri honorati non sunt examinandi de furtis, adulteriis, homicidiis &c.

21. III. Ut non sit nimius aut curiosus, sed quæm̄ cautissimus, & circum-spectissimus, præsertim cùm de peccatis carnalibus est sermo: cùm enim universum nihil faciendum sit cum scandalô, cap. *Nihil. de prescript.* & cap. 2. de operis novinunt, id vel maximè cavendum est eo loco, & tempore, quo spirituale animæ negotium tractatur. Certè Confessarius, cùm sit DEI adjutor, potius id agere debet, ut tollat peccata, quæm̄ ut augeat; & cùm sit etiam Pater spiritualis, ut filios suos transferat in adoptionem filiorum DEI, non ut incautè fiant filii perditionis. Itaque non descendet nimis ad particulares circumstantias peccatorum carnalium: sufficit habere perspectam speciem peccati, & circumstantias, quæ cadunt sub specialem prohibitionem, & verbis, quæm̄ potest fieri, honestissimis & modestissimis: qui enim alium interrogandi modum tenent, non tam Confessarii sunt, quæm̄ ut Angelus vocat, contamineatores confessionis, & sapissimè peccant mortaliter oblectando se de ejusmodi interrogatis. Hinc Confessarius, si famina confiteatur se extra vas debitum fuisse cognitam, prudenter faciet, si nec ipse ulterius (modò sciat, non fuisse concubatum præpostulum; hic enim ad Sodiam

*ART. IV. De quibusdam aliis Confessarii virtutibus.*

miam, cùm spectet, utique cognoscendus, ut peccatum ipsum recte intelligatur.) quidquam interroget de modo procurandæ illius pollutionis, nec permittat pœnitenti ejus modos nimis enucleatè explicare: dicarei potius, ut secum cogitet verosimilem numerum, quoties procura-ta sit pollution, omissis minutioribus circumstantiis, & uno verbo explicet, toties pollutionem commisi: & sic in peccato mollitie, & aliis similibus faciendum est. Neque verò quis dicat, pœnitentem putaturum, se non satisfecisse, & ideo mœstum, omni confessione vacuum è confessionali redditum: si enim Confessarius docuerit ipsum, sufficere, quod peccatorum species exprimatur, neque necesse esse, omnes modos peccandi obscenos aperire, ponet suam ignorantiam, unde nascebatur desolatio sive tristitia, eaque succéderet consolatio dulcissima. Videri de hac re possunt Fagund. 3. præcept. Eccles. L. 4. c. 2. n. 8. Coninch. D. 7. d. 7. n. 56. Tanner. D. 6. q. 7. n. 63. & 93. Laym. l. 5. rr. 6. c. 13. n. 8.

22. IV. Cùm verò, aliquod grave aut turpe peccatum ab ipso (nempe pœnitente) audierit, nulla signa admirationis, abominationis, aut pavoris ostendat, veluti spundo, vel se cruce signando, vel se ipsum commovendo, quin potius, ac si nihil audiret, usque ad finem confessionis diffimulet, & tunc, cùm jam velit pœnitentiam imponere, peccatorum gravitatem, & deformitatem exponat.

23. V. Ut non sit præceps in judicio ferendo: nec statim pœnitentibus restitutions, vel alias obligationes imponat: neque temerè ab iis liberos pronuntiet, donec rem bene perpenderit, sumpto

R. P. Stoz. Trib. Pœnit. Lib. II.

etiam spatio deliberandi, si clarè verum non perspiciat.

24. VI. Ut sit cautus in fide adhibenda pœnitenti: quamvis enim, ut tritum habet axioma, ut plurimum illi credendum sit, tam pro se, quam contra feloquenti, cùm rei simul, & Testis personam sustineat; tamen si argumentis moraliter certis deprehendatur mendacium, non debet ei Confessarius credere. Bonac. de pœnit. D. 5. f. 2. p. 2. §. 1. n. 8. Suar. T. 4. D. 32. f. 3. n. 9. Hæc & plura alia Prudentia docebit Confessarium, qui ea facile deprehendet partim ex dictis, partim ex dicendis adhuc.

*ARTICULUS IV.*

*De quibusdam aliis Confessarii virtutibus.*

25. Tres adhuc præcipue Virtutes sunt, quibus oportet Confessarium instruatum esse, & conspicuum, ut officium suum cum fructu, imo & cum ædificazione obeat. I. est Mansuetudo: cùm enim, ut Granad. apud solertiissimum P. Georg. Gobat in Alphab. Confess. n. 324, ait, ad Sacramentum Pœnitentiae accedere sit unum ex difficultoribus, quæ in lege gratiæ præcipiuntur, reddi debent, quoad fieri potest, minùs difficultia, quæ ad ipsius usum seu susceptionem spectant: dummodo ista lenitas verâ, non dubiâ aut apparente tantum probabilitate nitatur. Itaque aliter cum timidis & scrupulosis, aliter cum duris & laxis agendum est: universim tamen abstinentum est ab increpationibus, & exprobationibus, signis displicentia & admirationis, asperis interrogationibus, severis admonitionibus, multò

B

magis